

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HAZRAT MUHYI-UD-DIN AL-KHALIFATOULLAH

Munir Ahmad Azim

12 Juin 2015 ~
(24 Shabaan 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:

Avec mois Ramzaan ki pé vini très bientôt, mo fine pensé ki li pou profitable pou cause avec zot impé lors bane façons de faire ki *Shaytaan* servi contre nous, à sak moment de nous la vie afin pou éloigne nous avec le *Zikrullah*. *Insha-Allah*, sa capave vine pour nous tous - moi-même en premier - ene humble rappel et sa capave contribuer de sa façon là à nous préparation spirituelle pour mois Ramzaan, le but étant, bien entendu, ki le moment venu, *Insha-Allah*, nous profite au maximum de sa bane jours béni là.

Nous capave lire dans le Quran Shareef bane paroles suivants ki Allah fine dire *Shaytaan*: « **'Excite par to la voix commié to capave parmi zot, et attaque zot avec to cavalerie et to l'armée, vine partenaire avec zot dans zot du bien et zot zenfants et faire zot bane promesses.'** Mais saki Satan promette zot, pou simplement trompe zot. Kan à Mo bane (bon) serviteurs to pas pou gagne aucaine l'autorité lors zot. To Maître suffi pou occupe zot zaffaires ! » (Bani Israël 17: 65-66).

Sa verset là contenir bane indications par rapport à bane chemins principales ki *Shaytaan* et so bane alliés servi pour exerce so pouvoir lors l'homme (l'être humain) et pou égare li de sa façon là dépi le droit chemin. *Shaytaan* et so l'armée capave agir ainsi par:

- le biyé (moyen) de saki l'homme percevoir à travers so bane organes sensoriel (so bane sense), couma mentionné dans sa verset Quran ki mo fine fek mentionné là : « **Excite par to la voix...** »

- mauvais l'effet de sa dimoune là so bane actes de désobéissance : « ... **attaque zot avec to cavalerie et to l'armée...** »; en vérité, tout saki agir en désobéissance à Allah zot vine parmi bane cavalerie et l'armée de *Shaytaan*.
- l'intermédiaire de bane pulsions naturelles qui reste au pli profond de li-même (l'homme), bane tels qualités innée ki forme partie de so caractère et aussi bane sentiments ki li développé par rapport à so propre personne ou à tout saki entoure li: « ... **vine partenaire avec zot dans zot du bien et zot zenfants...** »,
- bane insinuations adressé directement à so conscience et à so l'esprit : « ... **faire zot bane promesses.** »

De sa façon là *Shaytaan* capave infiltrer et accède à lé cœur de l'homme par bane chemins internes ou externes, ki li apparent ou cachiette aussi. Et alors li vine absolument nécessaire pour ene croyant pou li faire preuve lors ene baze continuelle d'ene vigilance bien stricte par rapport à bane plusieurs l'attaques ki so l'ennemi juré, c'est-à-dire, *Shaytaan*, essaye faire contre li et kot Quran Shareef même cite saki li (*Shaytaan*) fine dire Allah :

« Li (Satan) fine alors dire : 'Parski To fine laisse moi égarer, mo pou assizé et attane zot (c'est-à-dire, bane dimounes) lors To chemin droite. Mo pou vine lors zot, devant, derrière, à droite, à gauche ; et To pou trouve la plupart parmi zot pas reconnaissant (envers Toi).' » (Al-Arraf 7 : 17-18)

Le Saint Prophète Muhammad (saws) ti clairement averti so bane Compagnons (ra) lors sa sujet là. Abdullah Ibn Masud (ra) fine rapporté: « *Rassoollullah (saws) fine trace pour nous ene la ligne et fine dire: 'Sa, c'est chemin Allah.'* Ensuite li fine trace plusieurs les z'autres la lignes à droite et à gauche de premier la ligne là, après quoi li fine dire: 'Sa bane là, c'est bane les autres chemins, et lors sakaine d'entre zot ena ene *Shaytaan* ki invite vers li.' Et (ensuite) li (saws) fine récite (le verset Quran suivant - (Al-Anam 6:154)): « **Pas ena doute, c'est sa Mo chemin, alors suive li ; et pas suive bane les autres chemins ki pou faire ou éparpiyé depuis lors So chemin. Sa, c'est bane conseil ki Li (Allah) donne ou, afin ki ou amène ene bon la vie.** » (Musnad Ahmad)

Aussi, c'est pas sans raison ki le Prophète Hazrat Muhammad (saws) ti dire dans sa sense là ki celui ki vine trop près avec bane limites fixé par Allah, alors li bien probable ki li glisser et transgresser et li tombe dans saki Allah fine interdit (bane kitchoses *Haram*).

Malgré le fait ki capave pensé ki zot rélizié et proche avec Allah, mais *Shaytaan* capave vine sème le doute dans zot et faire zot écarte avec le Droit Chemin (*Seerat-um-Mustaqeem*). Li ti pou bon ki mo mentionne maintenant quelques bane la portes internes – *dans le sens ki zot lié avec bane pulsions et bane sentiments humains* – bane telles la portes, bane telles chemins ki *Shaytaan* souvent servi pou réussi sème dans lé cœur de l'homme so l'influence maléfique.

Parmi sa bane la portes internes là, ena :

- **La colère:** Kan ene dimoune li violent, alors sa capave fer li perdi tout contrôle de li-même, et alors li donne *Shaytaan* l'occasion en or pou gagne tout pouvoir lors li pour faire avec sa dimoune là tout saki *Shaytaan* envie fer avec li.
- **Le désir:** Le désir ou passion (*nafs*) si pas maîtrise li, alors sa capave amène l'homme pou commette ban péchés bien graves, pran dépi ene regard malsain ziska fornication, en passant par bane pensées et bane fantasmes illicites aussi. Encore ene tiguite et *Shaytaan* pou capave embobine zot l'esprit à ene point kot li capave fer ou témoigne contre la vérité ki vine d'Allah par la peur de bane créatures et li fer ou aussi faire bane mauvais los ene coup de tête, soit par colère, soit par passion, et de sa façon là, le *nafs* (passion/égo) li alle surpasse la spiritualité ki ena dans zot.
- **La jalousie et l'avidité/l'envie/Gourmandise pour gagne plisse:** Sa c'est deux inclinézon ki capave aveuglé et assourdi totalement bane ki touché par sa et capave fer zot oublier zot bane sense de responsabilité. C'est bien la jalousie et l'envie ki fine provoque la perte et la malédiction de Iblis kot sa fine empêche li pou servi et obéir Adam (as). Et c'est bien saki nous capave considère comme étant ene certain avidité (gourmandise pour gagne plisse) ki fine zoué ene rôle déterminant dans l'erreur ki Adam (as) et so madame fine commette, kot sa fine pousse zot pou manze de sa sél pié ki Allah fine pourtant clairement interdit zot pou approché.
- **L'amour excessif de bane kitchoses matérielles, la crainte de la pauvreté et l'avarice:** *Shaytaan* employe sa bane sentiments là pour influence dimoune, kot li rode développe et entretenir dans l'homme ene mode de vie basé lors bane critères purement matérialistes. L'homme arrive de sa façon là pou gaspille tout so l'existence précieux pou galoupe derrière bane l'objectifs ki jamais li pou réussi accompli – *parski li pas pou possible pou li pou satisfaire l'ensemble de so bane désirs matériels dans sa lé monde là*. Pour illustrer sa triste réalité là, nous capave cite l'exemple d'ene dimoune ki gagne nek ene coup, sans ki li attane, Rs.1000 : Dans ene tel cas, souvent, saki produire immédiatement, c'est ki so lé cœur li accaparé par l'envie pou satisfaire plusieurs de bane désirs matériels, kot sakaine de sa bane désir là demande au moins ene somme équivalent à celui ki li fine gagné. Du coup, saki sa dimoune là ena népli suffi pour li, et li reste bizin encore plisse l'argent pou satisfaire so bane besoins ! De sa façon là, sa dimoune ki ene moment de sa pas ti ressenti aucaine besoin pou gagne kit besoin matériel en particulier retrouve li tout à coup dans ene tourbiyon de bane besoins matériels. Et si li pas prend garde et pas retire li de sa tourbiyon là, alors la volonté pou satisfaire so bane nouveaux et soi-disant besoins pou accapare tout so lé temps et pas

pou laisse pou li-même aucaine létemps pour ki li accomplir so bane devoirs réels – c'est-à-dire, so bane devoirs ki li ena envers So Créateur et bane dimounes ki entoure li.

- **Le grand désir pou toujours fer dimounes plaisir – au lieu fer Créateur plaisir:** Ene telle l'ambition ena pour conséquence directe ki dans so le cœur alle développe bane maladies spirituelles très graves, telle ki l'ostentation (*Riba*). Bane dimounes ki li cherche plaire vine ainsi comparable à bane divinités: En vérité, tous so bane actions, ainsi ki so comportement et so l'attitude zot constamment guidé par sa désir ki ena dans li là, et bien-entendu sa sous-entend par là ki sa bane comportements et l'attitude là vine avec tous bane mauvais conséquences ki attaché avec sa – et pli tipti de sa bane mauvais conséquence là c'est ki sa dimoune là pou tombe dans ene flatterie ki pli ba ki ba (*moudaahana*), et kot alors li pas pou rode même accompli so devoir en tant ki musulman pour ordonne le bien et empêche le mal, parski li pou peur pou fer so bane idoles (sa bane dimounes ki li donne plisse l'importance ki Allah) en colère.
- **La précipitation/L'Empressement:** Le Saint Prophète Muhammad (saws) fine affirmé clairement ki « *L'Empressement vine de Shaytaan...* » (Tirmidhi). Celui ki pas prend bien le temps pou réfléchir avant agir, li diminué (*partiellement ou totalement*) le contrôle de so la raison lors so bane décisions: Alors rien d'étonnant, à partir de sa moment là ki li vine ene proie de choix, ene target facile pour bane soufflements et bane suggestions sataniques.
- **La volonté pou dénigrer so bane opposants et le sectarisme:** L'esprit de contradiction li ene disposition ki présent dans la plupart de bane dimounes, mais seulement dans différents degré ou stages. C'est justement sa tré de personnalité là ki, souvent, *Shaytaan* arrive exploiter d'ene façon perverse et vicié: De sa façon là, concernant bane questions ki lié, d'ene façon ou d'ene l'autre, à bane aspects rélizié, *Shaytaan* donne l'illusion à l'homme ki bane critiques ki sa dimoune là fer à l'égard de bane les autres dimounes zot tout à fait justes et ki sa (soi-disant) pou contribuer pou établir la justice. **Résultat:** Au lieu ki li prend conscience de so bane propre manquements et au lieu ki li pensé pou répentini pour so bane propres mauvais actions et so bane péchés, alors sa dimoune là au lieu de sa li retire de so l'attitude intolérant et de so renoncement constant de bane les autres dimounes ene leçon, alors au lieu de tout sa, li senti ene sentiment de devoir accompli, kot li pas honteux de so bane mauvais actions et li satisfait ki li fine accompli sa bane mauvais actions là.
- **L'attachement à bane sujets de polémiques et à bane divergences:** C'est là encore ene chemin ki *Shaytaan* employé pour détourne l'homme de saki pli important, c'est-à-dire, celui de so réforme personnelle pour ene meilleure soumission envers Allah. C'est pas sans raison ki le Saint Prophète Hazrat Muhammad (saws) fine cite mérite énorme ki ena

kan ene dimoune ki abandonne bane disputes, et li accepter perdi malgré le fait ki li en raison.

Voici donc quelques z'un de bane accès « *internes* » principales ki *Shaytaan* servi pou exerce so l'influence maléfique lors lé cœur de l'homme. C'est à nous, maintenant, pou redoubler nous vigilance et pou faire de nous mieux pou bloquer sa bane « chemins » ki *Shaytaan* servi, et nous pou réussi fer sa, en multipliant bane l'exercices de reforme spirituels et bane bons travaux, mais aussi et surtout en implorant l'Aide et l'Assistance d'Allah.

Ki Allah préserve nous contre bane incitations de *Shaytaan* et garde nous lors le droit chemin et accorde nous le *Tawfiq* pou toujours agir en bien, en restant attaché à bane l'enseignements de l'Islam et en suivant le modèle de nous bien-aimé Prophète Hazrat Muhammad (saws). *Ameen*.